

民國元年鞠秋

松齡醫旨錄六編

温州務本石印局印



温州務本石印局印



温州市图书馆

WENZHOU LIBRARY

松齡醫書鐸六編

徐定超題籤

民國元年鞠秋瑞
安務本石印局印



温州市图书馆

WENZHOU LIBRARY

松齡醫鐸

小兒範目錄

幼科三時伏氣外感篇

小兒驚風闢謬

莊在田治驚風心得神方論

寒熱虛實四瘵論

小兒瘵病瘵病九大綱論

瘵瘵厥痲四大證

俗急驚慢驚

臍風論症

集成神火圖

平陽徐潤之松齡輯

初齒書金云

夏禹鑄臍風火圖

指紋晰義附三圖



幼科三時伏氣外感篇

一伏氣

春温一症。由冬令收藏未固。冬寒內伏。藏於少陰。入春發於少陽。以春木內應肝膽也。寒邪深伏。已經化熱。昔賢以黃芩湯為主方。苦寒直清。裏熱伏於陰。苦味堅陰。乃正治也。知温邪忌散。不與暴感門同法。若因外邪先受。引動在裏伏熱。必先辛涼以解。新邪繼進。苦寒以清。裏熱况熱乃無形之氣。幼醫多用消滯攻治。有形胃汁先涸。陰液劫盡者多矣。

凡小兒

病温多。

因父母

溺愛過。

衾重覆。

汗液枯。

真氣息

藏不固。

冬寒入

少陰伏。

春時發。

少陽屬。

經化熱。

黃芩湯。

蓋温邪

忌表散。

若外邪

伏熱據。



先辛涼

邪散解

繼苦寒

清裏義

因熱邪

無形氣

奈幼醫


專消滯

陰先洞

死亡繼

之按冬傷於寒而即病者為傷寒。遲至春始發者伏邪化熱為
 溫病。昔賢以黃芩湯苦寒直清裏熱為主方。知溫邪忌汗不與
 外感同法。若外感引動伏邪必先辛涼以解新邪。繼進苦寒以
 清裏熱。但恐幼醫不辨熱邪外感。妄用消滯。先瀉胃汁。劫盡陰
 液。此節先師曲盡病情為時醫。妄施證治者。戒。蓋小兒之多溫
 病由兒父母溺愛過甚。忍受寒冷。衾稠厚。隨日汗泄津傷。雖
 冬令潛藏而真氣已暗發泄矣。溫病之多。不亦宜乎。此理不但
 幼科不知。即先賢亦罕道及也。

二風溫



風温者。春月受風。其氣已温。經謂春病在頭。治在上焦。肺位最高。邪必先傷。此手太陰氣分先病。失治則入手厥陰心包絡。血分亦傷。蓋足經順傳。如太陽傳陽明。人皆知之。肺病失治。逆傳心包絡。人多不知者。俗醫見身熱欬喘。不知肺病在上之旨。妄投荆防柴葛。加入枳椇杏蘇。麻子查麥橘皮之屬。輒云解肌消食。有見痰喘。便用大黃。礞石滾痰丸。大便數行。上熱愈結。幼穉穀少胃薄。苦辛化燥。胃汁已傷。復用大黃大苦。沈降丸藥。致脾胃陽和傷。極陡變驚癇。莫救者多矣。

夫風温。温熱是。春胃風。感温氣。病在頭。上焦治。
 肺先傷。氣分病。如失治。心胞證。彼傷寒。始太陽。
 傳陽明。人皆詳。温逆傳。入胞絡。人不知。每妄作。

主解肌 并消食 見痰喘 投黃石 便數行 執愈結

奈小兒 胃薄弱 苦化燥 胃汁竭 大黃苦 沉降藥

脾胃傷 陰液竭 變驚癇 救無及

之按此節風温上受治在上焦肺衛天春温忌汗初病時不知

用享涼外解反雜施消導發散不但與肺病無涉且劫盡胃汁

復用大黃沉降大便數行致脾胃陰傷上熱愈結肺乏津液上

供上焦清寂徒為熱氣所薰蒸逆傳心胞鼻乾目膜胸高氣促

皆是肺不宣化斯時若投以清肅上焦肺藥斯上痺可開諸竅

自爽俗醫見發熱痰喘妄施連婁柴枳苦寒直降泄瀉陰傷致

閉塞愈甚熱深肢厥陡變驚癇告斃者多

此證初因發熱喘嗽首用辛涼清肅上焦如薄荷連翹牛旁象

貝桑葉沙參梔皮婁皮花粉。若色蒼熱勝煩渴。用石膏竹葉辛寒清散。痧疹亦當宗此。若日數漸多。邪不得解。苓連涼膈亦可。用至熟邪逆傳臆中。神昏目膜。鼻竅無涕。涕諸竅欲閉。其勢危。急必用至寶丹。或牛黃清心丸。病減後餘熱。只甘寒清養胃。陰足矣。

春月暴暖忽冷。先受溫邪。繼為冷束。欬嗽痰喘最多。辛鮮忌溫。只用一劑。大忌絕穀。若甚者。宜晝夜監抱。勿倒三四日。大輕為咳。重為喘。喘急則鼻掀胸挺。

春暴冷	受溫邪	繼冷束	欬喘兼	辛鮮溫	只一劑
絕水穀	病大忌	因幼稚	胃薄弱	宜監抱	三四日
重為喘	輕為咳	喘鼻掀	胸挺厄		

之按春温皆冬季伏邪。詳於前卷新温熱篇。幼科亦有伏邪。感
 受既一。治法亦無殊也。如頭痛惡寒發熱喘促鼻塞聲重脉浮
 無汗。原可表散。春令温舒。宜辛不宜温。陽經表藥最忌混亂。至
 若身熱咳喘有痰之證。只宜肺藥辛解。瀉白散加前胡牛旁薄
 荷之屬。消食藥只宜一二味。若二便諸通者。消食少用。須辨表
 裏上中下。何為急。施治。沈堯封云。温亦火之氣也。蓋火之微者
 曰温。火之熱甚者曰熱。春季温暖。風温極多。温變熱最速。若發
 散風寒。消食劫傷津液。變證尤速。初起。嗽喘促通行用方。
 薄荷汗多不用連翹 象貝 牛旁 花粉 桔梗 沙參 木通
 枳壳 橘紅

表解熱不清用方

黃芩 連翹 桑皮 花粉 地骨皮 川貝 知母 山枝

備用方

黃芩湯 葱豉湯 涼膈散 清心涼膈散 葦莖湯

瀉白散 葶藶大棗湯 白虎湯 至寶丹 清心牛黃丸

竹葉石膏湯

喻氏清燥救肺湯

裏熱不清。朝涼晚熱。即當清解血分。久則滋清養陰。若熱陷神昏。

痰升喘促。急用牛黃丸。至寶丹。

之。按風濕乃肺先受邪。失治逆傳心包。治在上焦肺分。不與清胃。

攻下司去。幼科不知初感溫風。投發散消食不應。改用柴芩瓜。

婁枳實黃連。再下奪不應。多致危殆。皆因不明上受溫邪外解。

清裏肺衛手經病之治法。余著新溫熱篇首節明晰溫邪上受首
先犯肺。失治逆傳心胞證治頗為詳晰。宜參觀之。

（二暑熱）暑熱一證。醫者易眩。夏暑發自陽明。古人以白虎湯為

主方。後賢劉河間創議。迥出諸家。謂溫熱時邪。當分三焦投藥。以
苦辛寒為主。若拘六經分證。仍是傷寒治法。致誤多矣。蓋傷寒外
受之寒。必先從汗解。辛溫散邪是已。口鼻吸入之寒。即為中寒陰
病。治當溫裏分三陰見證。施治若夫暑病專方甚少。皆因前人畧
於暑詳於寒耳。考古如金匱暑暍瘧之因而潔古以動靜分中暑
中熱各具至理。茲不贅述。而幼科病暑熱夾襍別病。時下不外發
散消導。加入香薷一味。或六一散。致本草香薷辛溫發汗。能泄宿
水。夏熱氣閉無汗。渴飲停水。香薷必佐杏仁。以杏仁苦降泄氣大

順散取義若此。長夏濕令暑必兼濕。暑傷氣分濕亦傷氣。汗則耗氣傷陽。胃汁大受劫。燦變病由此甚多。發泄司令裏真是虛。

暑熱證。醫易眩。後夏至。由病暑。發陽明。白虎主。

劉河間。方奇異。分三焦。投藥劑。苦辛寒。為主治。

蓋傷寒。治須別。經暑病。方少集。攻金匱。暑喝症。

昔潔古。分動靜。各至理。當辨認。幼暑熱。夾襍病。

消導散。香蒿併。大順散。此義並。濕挾暑。相兼治。

暑氣傷。胃汁泄。治前方。恐誤事。張鳳遠。治暑記。

首辛涼。繼甘寒。再酸飲。要。不煩。兒傷暑。蔓延變。

摘其概。學須記。

按張鳳遠云。暑病首用辛涼。繼用甘寒。再用酸泄。酸飲不必用。

下。可稱要言不煩矣。然幼科因暑熱蔓延。變生他病。茲摘其要。暑邪必挾濕。狀如外感風寒。忌用柴葛羌防。如肌表熱無汗。辛涼輕劑無誤。香膏辛溫氣升熱伏易吐。佐苦降如杏仁。苗連苗。岑則不吐。宣通上焦。如杏仁連翹薄荷竹葉。暑熱深入伏熱煩渴。白虎湯六一散。暑病頭脹如蒙。皆熱盛上熾。白虎竹葉酒濕食滯者加辛溫通裏。

按暑令濕盛。必多兼感。故曰挾。猶寒邪挾食。濕證挾風。俱是二病相兼。非謂暑中必有濕也。

四暑厥。夏令受熱昏迷若驚。此為暑厥。即熱氣閉塞孔竅所致。其邪入絡。與中絡同法。牛黃丸至寶丹芳香利竅可效。神甦已後。用清涼血分。如連翹心竹葉心元參細生地鮮生地二冬之屬。此

證初起。大忌。風藥初病。暑熱傷氣。竹葉石膏湯。或清肺。輕劑。大凡
熱深厥深。四肢逆冷。但看面垢齒燥。二便不通。或瀉不爽。為是大
忌。誤認傷寒也。

夏暑熱

昏迷驚

為暑厥

熱閉徵

邪入絡

至寶靈

涼血分

二地屬

證初起

忌風藥

初病暑

熱氣傷

宜竹葉

石膏湯

或清肺

輕劑合

熱厥深

肢冷逆

看面齒

垢燥色

便不通

瀉不失

誤傷寒

死可必

魏柳洲

曰火極似水

乃物極必

反之候

凡患此為

燥熱溫補所

殺者多矣

哀哉蓋內

真寒而外

假熱論及

者罕矣

五熱疔

幼兒斷乳納食。值夏月脾胃主氣。易於肚膨泄瀉。足心

熱形體日瘦。或煩渴善食。漸成五疔。積聚當審體之強弱。病之新

久有餘者。疏胃清熱。食入糞色白。或不化。健脾佐消導。清熱若濕熱內鬱。蟲積腹痛。導滯驅蟲。微下之。緩調用肥兒丸之屬。

兒斷乳

值夏月

胃氣洩

腹瀉泄

足心熱

形瘦弱

或煩渴

或善食

疳積聚

強弱別

病新久

清胃熱

糞色白

不化食

宜健脾

消導熱

濕內鬱

蟲痛積

或導滯

驅蟲力

微下之

肥兒屬

六口疳

夏季秋熱。小兒泄瀉。或初愈未愈。滿口皆生疳蝕。嘗有

阻塞咽喉。致危者。此皆在裏濕盛。生熱熱氣蒸灼津液。不生濕熱

偏傷氣分。治在上焦。或佐淡滲。世俗常括西瓜翠衣治疳。取其輕

揚滲利也。

夏季熱

兒瀉泄

愈未愈

口疳蝕

阻咽喉


致危急

裏濕盛 熱蒸灼 津不生 偏傷氣 治上焦 淡滲治

瓜翠衣 治疔瘡 義輕揚 醫審記

七(脹)

夏季濕熱鬱蒸。脾胃氣弱。水穀之氣不運。濕著內蘊為熱。漸至浮腫腹脹。小水不利。治之非法。水濕久漬。逆行犯肺。必生欬喘。喘促甚則坐不得卧。俯不得仰。危期速矣。大凡喘必生脹。脹必生喘。方書以喘後脹治在肺。先脹後喘治在脾。亦定論也。金匱有風水皮水石水正水黃汗以分表裏之治。河間有三焦分消子和有磨積逐水皆有奧義。學者不可不潛心體認。近世論水濕喘脹之證。以內經開鬼門取汗為表治。分利小便潔淨府為裏治。經旨病能篇謂諸濕腫滿皆屬於脾。以健脾燥濕為穩治。治之不效。技窮束手。



矣。不知凡病皆本乎陰。陽通表。補小使。乃宣。經氣利。腑氣是。陽病治法。暖水。臟溫。脾胃補土。以驅水。是陰病治法。治肺痺。以輕開上。治脾。必佐溫通。若陰陽表裏。乖違。臟真日瀉。陰陽不運。亦必作脹。治以通陽。乃可奏績。如局方禹餘糧丸。甚至三焦交阻。必用分消。腸胃室寒。必用下奪。然不得與傷寒實熱同例。擅投硝黃枳檳。擾動陰血。若太陰脾臟。飲濕阻氣。溫之補之。不應欲用下法。少少甘遂為丸。可也。實證選用方備采。

夏熱鬱。脾胃弱。水穀氣。運化失。濕內蘊。漸腫脹。

水不補。病見象。治非法。濕久漬。生咳嗽。逆犯肺。

喘促疾。所由致。坐不卧。俯不仰。危期速。喘生脹。

金匱律。五水別。河間論。分消法。張子和。逐水律。

溫州圖書館

皆奧義	難概述	陶近代	世醫診	凡水濕	喘脹證
開鬼門	潔淨府	濕脹滿	脾臟主	宜健脾	為穩治
本陰陽	通表利	宣經絡	利腑氣	陽病治	暖水臟
溫脾胃	陰病狀	肺痺證	輕開上	如治脾	佐溫通
陰陽乘	脹必凶	治通陽	禹餘糧	三焦阻	分消高
腸胃塞	下奪詳	較傷寒	實熱別	擅硝黃	動陰血
太陰濕	溫不宜	實證方	審用之		

按葉氏景岳發揮因喘而腫當以清肺為要之論宜參若水濕
 侵脾發腫致喘治當補土驅水設水氣上凌心已變呃更危陳
 遠公曰用薏苡茯苓各一兩白朮蒼朮三錢半夏陳皮各一錢
 丁香五分吳萸三分名止呃湯二劑可安

喘脹備用方徐云。嫌太猛厲者不可輕用。

葶藶大棗湯 瀉白散 大順散 牡蠣澤瀉散 五苓散

越脾湯 甘遂半夏湯 控涎丹 五子五皮湯 禹功丸

子和桂苓湯 茯苓防己湯 中滿分消湯 小青龍湯

木防己湯

按葉氏脹論甚合經旨。但集腫脹之方。大半為大方實證所概。用如幼科濕熱內蘊。漸浮腫腹脹。亦豈無餘憾乎。故徐云。亦太猛厲。雖經言有是病則邪當其藥。與臟腑無礙。倘俗醫誤認。不真妄執古方。施用譬如效顰。其害甚大。

八 (吐瀉)

吐瀉一證。幼兒脾胃受傷。陡變驚搐最多。徐氏此證。若是不正。機多是痰濕。

氣觸入。或口食生冷。套用正氣散。六和湯。五積散之類。正氣受傷。肢冷呃感。嘔吐自利。即用錢氏益黃散。有痰用星附。六君子湯。理中湯等。倘熱氣深伏。煩渴引飲。嘔逆者。連香飲。黃連竹茹橘皮半夏湯。熱閉神昏。用至寶丹。寒閉用未復丹。

吐瀉證。兒脾傷。變驚搐。當細詳。不正氣。濁穢觸。

或生冷。正氣屬。六和湯。與五積。正受傷。肢冷呃。

嘔吐利。錢氏法。六君子。星附入。熱深伏。順渴彰。

嘔逆者。飲連香。熱神昏。至寶安。如寒門。未復丹。

九(寒濕)

穉年夏月食瓜果。水寒之濕著於脾胃。令人泄瀉。其寒濕積聚。未能遽化。熱氣必用。辛溫香竄之氣。古方中消瓜果之積。以丁香肉

桂或用麝香。令七香餅治瀉亦祖此意。其平胃散胃苓湯用之亦妙。

釋幼兒食瓜果。水寒濕。胃病夥。寒濕積。宜溫藥。

大方標。七香吉。治泄瀉。義最神。用平胃。胃苓靈。

按此節非溫熱為病何必采入。緣夏月此等證候甚多。因畏熱貪涼而反生寒濕之病。乃夏月之傷寒。雖在暑令。實非暑證也。昔人以陰暑名之。謬矣。譬如避火而溺於水。極者但可云出之於水。而不可云出之於火。

十(瘧)

瘧之為病。因暑而發者居多。方書雖有疾食寒熱瘴癘之互異。然幼穉之瘧。多因脾胃受病。氣怯神昏。初病驚癇。厥逆為多。在夏秋

之時斷不可認為驚癇。大方瘧證。須分十二經。與咳證相等。若幼
科庸俗。以柴胡湯去參。或香薷葛根之屬。不知柴胡劫肝陰。葛根
竭胃汁。致變屢矣。幼科純陽暑為熱氣證。必熱多煩渴。邪自肺受
者。桂枝白虎湯二進必愈。其冷食不運。有足太陰脾經見證。初用
正氣。或用辛溫。如草菓生薑半夏之屬。方書謂草菓治太陰獨勝
之寒。知母治陽明獨勝之熱。瘧久色奪唇白汗多。痿弱必用四獸
飲。邪去正氣。故此藥。陰虛內熱。必用鼈甲首烏。知母便漸澹者。忌用久

瘧營傷寒勝。如桂薑擬。初中未瘧門用藥於左。

暑發病。多為瘧。疾寒熱。瘴癘別。此五者。脾胃疾。

然伸昏。病厥逆。夏秋時。須辨析。斷不可誤認驚癇。

大方瘧。當分經。若幼科。宜細斟。如柴胡。香薷葛。

公合書卷六之四 瘧 二 荆江流安務本局印

初肝陰 竭胃汁 幼純陽 暑氣襲 證熱多 身煩渴

肺受邪 桂白虎 一再進 病必愈 食不運 脾證微

初正氣 或溫辛 煨草藥 薑等分 瘧病久 多饑弱

四獸飲 能愈疾 陰虛熱 用鼈甲 瘧榮傷 加桂薑

初中末 方藥商

按瘧病因暑發者多可謂扼要奈世俗惟知小柴胡湯為治誤人多矣因暑而發者雖大人之瘧無不病於脾胃以暑多兼濕脾為土腑而胃者以容納為用暑邪吸入必伏於此也又柴葛之弊語見林北海重刊張司農治暑全書葉氏引用原非杜撰涇溪之評殊欠考也

初病暑風濕熱瘧藥

脫痞悶 枳殼 桔梗 杏仁 厚樸 瓜蒌皮 山枝

香豉

頭痛宜辛涼輕劑

連翹

薄荷

赤芍

羚羊角

蔓荊子

滑石

重則用石膏。口渴用花粉。煩渴用花粉竹葉石膏湯。熱甚則用黃芩黃連山梔。

夏季身痛屬濕。羌防辛溫宜忌。宜用木防已蠶砂。暑熱邪傷。初在氣分。日多不解。漸入血分。反渴不多飲。唇舌絳赤。芩連膏知不應。必用血藥。量佐清熱一味足矣。

暑熱傷 氣分入 久不解 漸入血 渴不飲 唇舌赤

涼不應 用血藥

清氣熱 一味足 輕則用青蒿 丹皮汗多 犀角 竹葉心

元參 鮮生地 細生地 木通 淡竹葉 若日久痞結瀉

心湯選用。

夏月熱久入血最多蓄血一證 譫語昏狂看法 以小便清長大便

必黑為是 桃核承氣湯為要藥

夏熱久 成蓄血 譫語昏 看有法 小便長 大便黑

桃承氣 為要藥 瘧既久 血分結 瘧母丸 最妥貼

按瘧疾既久深入血分或結瘧母 瘧甲煎丸或用前方活血通

絡可也

十二病

痢疾一證 古稱滯下 蓋裏有滯濁而後下也 但滯在氣滯在血冷

傷熱傷而滯非一。今人以滯為食。但以消食併令禁忌飲食而已。

滯下者。即痢疾。分氣血。別冷熱。或為食。滯非一。

消食藥。審消息。噤口痢。胃熱極。大苦寒。佐參連。

胃氣升。能愈疾。

按瘧傷於經。猶可延。埃痢關於臟。誤治必危。雖瘧痢皆起。夏季秋候。都因飲食不節。蓄蘊脾胃。至裏結化。熱外邪重。感濕熱鬱。蒸以致中。州水穀不運。搏結濕熱。灼燥氣血。黏膩先痛。後痢。後不爽。若偶食瓜果。小寒即病。未必即變為熱。先宜辛溫疏利之劑。若膿血無倫。疴痛後重。初用宣通驅熱。如芩連必加甘草。以緩之。非如傷寒陽明證。痞燥當用硝黃。以實堅直走破泄。至陰。按古書痢證範圍。若能堅陰勝濕。寒能清熱。滌垢足可却病。

腸澼下痢紅白黏膩裏結後重氣滯血黏治當行血則便膿愈
導氣則後重除行血涼血如丹皮桃仁延胡黑查歸尾紅花之
屬導氣如木香枳榔青皮枳櫟橘皮之屬世俗通套不過如此
蓋痢瀾於臟診之不明形體瘦弱肌色蒼嫩更不詢起居致病
之原因虛實不辨死生反掌耳倘初病體堅質實前法可遵久
病氣餒神衰雖有腹痛後重亦宜詳審脈色而施治未可遽以
為寒為熱為虛為實也

按腸澼一證古稱滯下學者須從金匱葉氏吳氏王氏喻氏細
加審究臨證自無誤也

噤口不納水穀下痢都因熱升濁攻必用大苦如芩連石蓮清熱
人參補胃益氣熱氣一開即能進食藥宜頻頻進二三日

用人參
須用消

熱藥用便小兒熱病最多者以體屬純陽六氣著人氣血皆化為熱也飲食不化蘊蒸於裏亦從熱化矣然有解表已復熱攻裏已復熱利小便愈後復熱養陰滋清熱亦不除者張李明謂元氣無所歸著陽浮則條熱矣六神湯

十一效嗽

秋深初涼穉年發熱效嗽似春月風溫證但溫乃漸熱之稱涼即漸冷之意春月為病猶是冬令固密之餘秋令感傷恰值夏月發泄之後其體質之虛實不同但溫自上受燥自上傷理亦相等均是肺氣受病世人誤認暴感風寒混投三陽發散津劫燥甚喘急告危若果暴涼外束身熱痰嗽只宜蔥豉湯或蘇梗杏仁枳桔之屬僅一二劑亦可更有粗工亦知熱病與瀉白散加芩連之屬不

知愈苦助燥必增他變當以辛涼甘潤之方氣燥自平而愈慎勿用苦燥劫燥胃汁

按秋燥一證氣分先受治肺為急若延綿數十日之久必入血分又非輕浮肺藥可治須審體質證端古謂治病當活潑潑地如盤走珠耳

秋初涼 患咳嗽 如春月 風溫候 夏發泄 秋感傷

體虛實 當審詳 燥上傷 均在肺 若誤投 發散劑

劫津液 喘危急 若暴涼 痰喘息 宜蘇欬 加枳桔

一二劑 可除疾 世俗醫 痰熱兼 瀉白散 加芩連

苦愈燥 增疾焉 當辛涼 甘潤兼 燥自平 病愈然

按王士雄曰以五氣而論則燥為涼邪陰凝則燥乃其本氣但

秋燥二字皆從火者以秋承夏後火之餘燄未息也若人既就
之陰竭則燥是其標氣治分溫潤涼潤二法然金曰從革故本
氣病少標氣病多此聖人制字之所從火而內經云燥者潤之
也海峯云燥氣勝復片言而析喻氏曰古人以燥熱為暑故用
白虎湯主治此悟徹之言也明乎此則溫熱二證火氣兼燥夫
復何疑

按秋燥一證古今惟葉氏吳氏喻氏獨創一論補內經之未備
學者兼參可也



Faint, illegible text, likely bleed-through from the reverse side of the page.



小兒範卷二

驚風闢妄門

緒論

一小兒驚風一證。先哲喻嘉言、陳遠公、程鳳雛闢其謬妄。有功千古。其論獨超。惜其治症之法。不外傷寒論寒症而立。法故仲景先師舉一冬傷寒變症。以便學者隅反而為後世模範。

二闢妄莊在田。治驚風心得神方之謬。此方藥雜亂無序。辛熱之藥太過。以致口渴。身熱痰涎上逆。腫中症厥。並至小兒稚陰稚陽未充。服此灼燥。肝流腎汁。未有不速其死。學者萬勿效顰。

三吳鞠通小兒寒熱虛實四症。痲病痲病九大綱論。言小兒痲痲。厥諸證可詳。痲而辨其治。真發前人之未發。是於痲病外補一妙。

訣可垂為後世範圍學者苟能隅反可濟無窮天札

四臍風一證小兒初生惟臍係最重斷臍之時或剪帶太短或結

束不緊致外風侵入不可不慎蓋臍風有內外二因有可治不可

治之別外因係風濕所傷內因則稟父之真陽不足立論最精

五集成神火圖嬰兒全身燈火誠幼科第一要法實有起死回生

之功火共六十四燧陰符易數不可減少以救臍風非此不可學

者研究而神明之則造福無量矣篆入以備用

六指紋晰義一書起於宋人錢仲陽以食指分三關風氣命風輕

氣重命危而其義可取小兒二三歲時手腕短促三部莫分以指

紋浮沉分表裏紅紫辨寒熱淡滯定虛實方謂曲盡病義學者細

心研究庶為活幼指南

七痘疹為切科切要。但痘科非童而習之。難免錯誤。之未敢贅詞。麻疹一科。先哲治法。謂麻疹皆胎火時毒。麻乃少陰君火。陰道常乏。故治麻當以肺為主。咳嗽火炎於肺。鼻流清涕。以火鑠金。目出淚出。乃肺熱移於肝。凡手搦眉目者。肺熱之徵。外見但春溫夏熱。秋燥冬寒。四時之正氣。冬寒冷而反溫。則四時之間氣。學者研究五藏六府之見症。審察四時間氣之分。晰辨明診治。此中奧妙。得有把握。麻科無餘蘊矣。

下三... 錄

上... 錄

次... 錄

次... 錄

次... 錄

次... 錄

次... 錄



小兒驚風闕妄說

余少讀喻嘉言小兒驚風闕妄論。其保赤活幼功亦偉矣。少兒稟性稚陽未充。稚陰未長。六淫之邪易感。惟執淫最烈。兒因病熱生痰。生風生驚。世所恒有。何得妄以驚風命名。蓋小兒不耐外感。初傳足太陽經。筋脉牽強。此金匱稱剛柔二症。仲景先師因冬傷於寒而設。舉一冬傷寒變瘧為後世矩矱。世俗惟知寒能變瘧。而不知六氣風寒暑濕燥火皆能傷陰變瘧。陰傷瘧厥。而更易變。小兒稚陰未足。易於感觸。幼科不明六氣。執足經傷寒之法以治瘧。譬如揚湯止沸。其害不可勝言。然則小兒瘧病多半為醫所造。皆不識六氣之故。世俗見其汗出不止。神昏不醒。便以慢驚為名。初用辛溫燥熱發汗不應。再用參朮附不應。改用金石之藥。引邪深匿。

嘉言通禪理後得異人所授獨得千古之秘胡自臣曰習幼科者能虛心領會便可免乎殃咎若駭為異說則造孽無極矣

凡小兒 剛柔瘕 誤驚風 醫不省 其為害 今未罄

初生兒 陰陽弱 性純陽 易生熱 熱生痰 痰生風

風生驚 勢相因 奈八候 強分名 蓋幼兒 膝不密

易感冒 外邪入 脈牽強 遂抽掣 若妄投 金石藥

過鎮墜 邪深匿 陰陽癇 勢必及 立名即 急慢驚

邪不越 害匪輕 參耆朮 閉膝理 藥誤用 最危險

按小兒體脆神怯不耐外感壯熟多成瘕病後世多以驚風立

名有四證八候之鑿說實則指瘕病之頭搖手動者為驚風之

抽掣指瘕病之卒口噤脚掣急者為驚風之搐搦指瘕病之背

反張者為驚風之角弓反張。幼科翕然宗之。病家坦然任之。不治外淫之邪。反投金石腦麝之藥。何怪其十中千死耶。又婦人產後血舍空虛。外風易入。仲景謂新產亡血虛多汗出喜中風。故令病瘥。後賢各從血舍驅風成法可遵。非甚不肖者不妄用鎮驚之藥。不似小兒驚風之名。貽害千古。在賢智且不免焉。茲約通國共為厲禁。革除驚風二字。不許出口入耳。凡兒病發熟昏迷。務擇外感溫熱名家。循經救治。百不失一。於以打破小兒入鬼關。天人共快也。

按羅浮陳氏謂喻氏闢除驚風指明病瘥之說。誠善矣。第驚風之名。誤傳既久。沉迷者眾。倘不為剖晰。詳明指出。證候治療。俾臨證者有所依歸。則後人何能深信。余不揣固陋。請為詳晰言。

之。蓋病瘥非止一端。男婦皆有。不特小兒為然也。如外感過汗。變瘥。風病誤下。變瘥。瘡家誤汗。變瘥。產後汗多。過風。變瘥。跌撲。破傷。胃風。變瘥。表虛不任。風寒。變瘥。一切去血過多。變瘥。男婦。病此。醫者皆從六經研究。變瘥之因。循經救治。未聞以驚風治瘥者。乃小兒病瘥。獨以驚風為名者。由宋人錢仲陽之訛傳也。一人倡之。遂羣起而和之。然亦無師之學。各為臆說。愈趨愈下。遂致離經叛道。乃有黃帝不知。幼少之妄談。殊不知內經通評。虛實論。有乳子病熱。乳子病風。熱脈證之辨。刺論有嬰兒肉脆。血少氣弱。毫鍼之傳經。雖三章而脈證治療。井然可據。皇皇經旨。全然抹煞。蒙蔽後人耳目。得肆其無稽之妄談。背經毀聖。罪無逭。喻氏痛闢其謬。有由未矣。

夫驚風妄名之害。其禍最酷。不特舉世兒科。滿口驚風。其至愚至惑者。又惟婦女為尤甚。習俗相沿。竟成一驚風世界。最可駭者。遇兒有疾。亦不察其為傷寒。為雜症。為內傷外感。且先曰病由於嚇。致醫者聞之。正中其懷。不辨是嚇非嚇。先與之鎮驚。及其引邪入裏。壯熱不退。醫者復不究其熱之在表在裏。為虛為實。且先曰熱則生風矣。病家聞之。適合其意。不察有風無風。乃囑醫先需截風定搐之藥。醫必投其所好。而與之。病家坦然無疑。而受之。南轅北轍。劫奪誤投。病日沉危。而病家不以為怪。設有明者辨證既確。不事驚風。而病家不喜。是必更醫。必致覆水難收。死而後已。如此死者。亦不盡歸咎於醫。蓋病有以致之也。吁。妄名之為害如此乎。

莊在田治慢驚風心得神方

慢驚之症緣小兒吐瀉得之為最多。或久瘧久痢。或痘後疹後。或
 因風寒飲食積滯。過用攻伐腸脾。或秉賦本虛。或誤服涼藥。或因
 急驚而用藥攻。脹太甚。或失於調理。皆致此症也。其症神昏氣喘。
 或大熱不退。眼翻驚搐。或乍寒乍熱。或三陽晦暗。或面色淡白青
 黃。或大小便清白。或口唇雖開裂出血。而口中氣冷。或瀉痢冷汗。
 或完穀不化。或四肢冰冷。並至腹中氣响。喉內痰鳴。角弓反張。目
 光昏暗。此虛症也。亦危症也。俗名謂之天吊風。虛風。慢脾風。皆此
 症也。若再用寒涼。再行消導。或用膽星抱龍以除痰。或用天麻全
 蝎以驅風。或用知柏苓連以清火。或用已豆大黃以去積。殺人如
 反掌。實可畏也。若治風而風無可治。治驚而驚亦無可治。此實因
 脾胃虛寒。孤陽外越。元氣無根。陰寒至極。風之所由動也。治宜先

溫和不傷

用辛熱再加溫補。蓋補土即所以敵木。治木即所以治標。凡小兒一經吐瀉多非即是最危之症。若其虛作不止。無論痘後疹後病後不拘何因。皆即用參朮以救胃氣。薑桂枳熟等藥以救腎氣。不惟傷食當即救之。即傷寒傷暑亦當急救之。蓋其雖有寒暑實症。一經吐瀉業已全除。脾胃空虛。倉廩空乏。若不急救。恐虛痰上湧。命在頃刻矣。庸醫不明。皆誤指為熱。為食。投以清火去積涼血。立時告變。為之奈何。與其失之寒涼。斷難生活。不若試之溫補。猶可救療。此語發明吐瀉驚風之理。最為明亮。後之君子。願無忽諱。今將慢驚辨症臚列於後。

按莊氏治慢驚心得神方。首節小兒吐瀉久瘥。久痢。痘後疹後。

或六淫食積體弱。誤服寒涼。或因急驚。皆變為神昏氣喘。大熱。

不退手足角弓反張而成危候。俗名天吊風。慢脾風。妄用消
導。色黃以去積。殺人如反掌。此說未嘗不是。但云當用辛熱溫
補則非也。攷慢驚一症。古謂之陰癇。仲師為傷寒邪入足太陽
變症而設。藥多辛溫。况小兒稚陽稚陰皆不足。泄瀉未有不傷
陰者。甚至陰竭變症。俗謂誤之慢驚。再用辛熱溫補。真陰未
不受燥灼。痙驚未有不更危險矣。次第小兒吐瀉無論痘疹後
不拘何因。當急用薑桂杞地參朮等藥。且謂傷食傷暑傷寒。雖
有寒暑實症。一經吐瀉業已全除。當用逐寒蕩驚湯。椒薑丁桂
次方加味。理中地黃湯。杞歸薑桂紙芪等藥。一切籠統。以此二
方治之。其謬甚矣。世豈有兒瀉痘疹之後不辨何因。妄施大辛
大溫灼燂脾陰胃汁之理。甚至寒暑實症。一經吐瀉陰精更竭。

妄說吐瀉後病已全除者乎。殊不知內經嬰兒一則孤陽已衰。一則稚陰未足。再經吐瀉。辛燥劫津。脾陰腎汁未有不耗盡者。再加椒桂辛芳。次方熟地芪紙。襍亂無章。以致小兒口渴身大熱。痰涎上逆。膈中。痙厥並至。投此方者。未有不百服百死。余為活人計。不得不大聲疾呼。力闢其謬也。

逐寒蕩驚湯

胡椒 炮姜 肉桂 丁香

加味理中地黃湯

熟地 當歸 炙肉 枸杞 白朮 炮姜 黨參 炙草

棗仁 肉桂 故紙 炙芪

按此二方辛熱雄方太過。即大方服此。脾津腎汁未有不受其

劫燥何况小兒稚陰稚陽未足服此有不死乎

莊氏言治慢驚自立方名心得兒吐瀉瘧痢則

痘疹後及六淫或急驚變此症用姜桂大熱藥

不問因籠統治醫效尤誤妄用陰傷極疾涎壅

變厥逆救無及今所治異曩昔聞其妄兒受益

再按莊氏此論只兩字括之曰慢驚謂不別寒實虛熱以溫補

療之已足讀者往往誤信其說但求熟記二方即自謂千聖妙

訣濟世良方具盡於此致天下庸醫一見此論無不狂喜以為

為幼科名醫之捷徑無過於此而殺人之術從此徧天下矣嗟

乎無源亂道何地無之不堪之談原不足辨第因庸俗震於福

幼編名目力為崇奉而流毒無窮此作者之罪小述者之罪大

余所以不憚婆心苦口而莫挽醫界萬丈之狂瀾也

按以上喻氏陳氏各論駁得驚風二字不屏自却莊氏治慢驚

心得神方之前論力闢其妄喻氏陳氏治瘧方均遵古訓太陽

傷寒而設其藥辛溫治寒瘧相宜較六經變瘧不合而寒瘧南

少北多况南方地熱小兒病瘧皆由春夏秋三時溫熱發者多

余所以遵後賢葉氏吳氏各名家寒熱虛實四大綱小兒瘧病

瘧病九大綱範圍以備學者攷耳

瘧有寒熱虛實四大綱論瘧症治諸方詳於新溫熱篇內

六淫致瘧實證也瘧症治方內不贅虛掃亡血病久致瘧風家誤下溫病誤汗瘡

家發汗者虛瘧也風寒厥濕致瘧者寒瘧也風溫風熱風暑燥

火致瘧者熱瘧也按此皆瘧證屬火後世統謂之瘧矣後另

寒熱虛實四大綱論

浙江瑞安務本局石印

有論俗稱慢脾風者虛寒瘧也本論述本臟自病者虛熱也亦係瘧證

瘧為病。須分別。寒與熱。虛與實。顧其名。思其義。

四大綱。宜究治。

按小兒六淫致瘧。雖有寒熱虛實四大綱之別。因風濕風熱誤汗變瘧者多。惟冬令雖有風寒風濕亦因時醫妄治誤下誤汗變瘧亦不少。仲景先師以血禁汗。瘡家禁汗。恐汗多陰亡而變瘧也。

寒熱虛實四瘧證治

- 一寒 風寒風濕致瘧者寒瘧也
- 二熱 風濕風熱風暑燥火致瘧者熱瘧也
- 三虛 產婦亡血病久致瘧風家誤下溫

病誤汗。瘡家發汗虛症也。俗稱慢脾風者。虛寒症也。本論後本
臟自病者。虛實症也。亦係瘕證。四實。六淫致瘕實證也。

小兒瘕病瘕病九大綱論

一寒瘕。凡寒瘕。諸方法。師範圖。細尋繹。太陽證。

脈牽強。身有汗。柔瘕象。如無汗。屬剛瘕。方雖設。

當細審。

柔瘕。太陽證體強幾幾然。脈沉遲之類。有汗為柔瘕。為風多
寒少。而用桂枝湯加法。

剛瘕。太陽病無汗為剛瘕。為寒瘕。而用葛根湯。內有麻黃。乃

不以桂枝立名。亦不以麻黃立名者。以其病已至陽明也。

風寒瘕。風寒咳嗽致瘕者。用香蘇散。辛溫例。自當附入寒門。

按仲師所述方法具在。但須對證細加尋繹。剛柔二症。因太陽證傷寒而設。學者須平時熟讀其書。臨時再加謹慎。手下自有準則。

二風温症

按此即瘕證。少陽之氣為之也。下温熱暑温秋燥皆同此例。

風温症

陽發瀉

宜辛涼

輕重劑

銀翹散

白虎繼

傷津液

添甘涼

若譫語

加芳香

在胞絡

非胃腸

用紫雪

清宮湯

與至寶

及牛黃

倘愈後

復脈方

風温證治

風温症乃春陽發泄之令。若火主氣之時。宜用辛涼正法。輕者

用辛涼輕劑。重者用辛涼重劑。銀翹散。白虎湯。

風温症傷津液者。用甘涼宜銀翹散。加生地。麥冬。玉女煎。以白

虎合冬地

風溫瘧如神昏譫語兼用芳香以開膈中如清宮湯牛黃丸紫雪丹

風溫瘧愈後用六味三才復脈輩以復其喪失之津液

三風溫咳嗽瘧

風溫嗽 致病瘧

銀翹散

桑菊飲

風寒咳

迥有別

杏蘇溫

概宜酌

按風溫咳嗽致瘧者用桑菊飲銀翹散辛涼例與風寒迥別斷不可概用杏蘇辛溫也

溫熱瘧

即六淫者是也

之火氣消燥真陰者也內經謂先夏至為病溫

溫熱瘧

真陰錄

較風溫

須當別

風瘧輕

溫瘧重

視輕重。淺深酌。

按溫熱症。即同上風溫論治。但風溫之病。症者少而輕。溫熱之

致症者多而重。藥之輕重。淺深。視病之輕重。淺深而巳。

(四)暑瘧。暑兼濕熱。後有濕症一條。此則偏於熱多濕少之病。去濕

暑瘧症。俗急驚。惟暑月最多因。非細心。難辨真。

小孩兒。神氣怯。藏府薄。邪難敵。孰邪感。傳變急。

夏小兒。頭痛熱。身無汗。風寒襲。宜新加。若飲服。

身有汗。銀翹藥。變證出。加減酌。症因暑。須詳悉。

專治瘧。瘧壞極。如執一。非醫傑。譬頭痛。亦不一。

執羗活。曷愈疾。

按小兒暑瘧。俗名急驚風者。惟暑月最多。而兼證最雜。非心

澄潭未易辨此。蓋小兒膚薄神怯。不奈三氣發泄。邪之來也。執如奔馬。其傳變也急。如制電。豈粗疎者所能勝此任哉。

暑瘧咳嗽

暑瘧兼風寒。小兒夏月身熱頭痛項強無汗。此暑兼風寒者也。宜加香茹飲。有汗則仍用銀翹散。重用桑葉。

暑瘧脈乳

咳嗽則用桑菊飲。汗多則用白虎。脈乳而喘則用人參白虎。身重汗少則用蒼朮白虎。脈乳而赤多。信喘喝欲脫者。即用生脈散。

暑瘧神昏

暑瘧神昏神識不清者。即用清榮湯。加勾藤丹皮。

羚羊角神昏者。兼用紫血丹。牛黃丸。

暑瘧

暑症瘧輕病勢輕微者。用清絡飲。

按瘧因於暑。但治致瘧之因而瘧自止。不必沾沾於瘧中求之。

若執痙以求痙吾不知痙為何物夫痙病名也頭痛亦病名也善治頭痛者必問頭痛之因蓋頭痛有風寒頭痛暑濕頭痛之不一若不問其致病之因如時人但見頭痛一以羌活藁本從事何頭痛之能愈哉况痙病之更難治乎

五濕痙

按此一條痙兼有其因於寒濕者則兼太陽寒水氣其泄瀉太甚下多止陰者本氣未乘則痙矣

凡濕痙

有風兼

兒吐蜺

欲作癇

五苓散

最妙為

在臆中

非胃腸

用紫雪

清宮湯

邪初感

變勿防

濕痙證治

濕痙兼風

中濕即痙者少蓋濕性柔而下行不似風剛上升

也其間有兼風者痙名醫類案中有云小兒吐蜺欲作癇者最

妙五苓散

〔濕瘰〕

濕瘰。吳氏濕溫上焦編。有三仁湯一法。邪入心胞。用清

宮湯。去蓮心。麥冬加銀花赤小豆皮一法。用紫雪丹一法。銀翹

馬勃散一法。千金葦莖湯加杏仁滑石。

〔濕瘰舌白〕

濕瘰舌白不渴。有形似傷寒經絡拘急。治宜桂枝

薑附湯。按此症。幼科中百之一。醫須細審。妄治則禍烈。凡此以

上非必既現瘰病而後治之。

按小兒初感外邪。久則致瘰。於其未瘰之先知。係感受何邪。能

以藥治之不致其瘰。而瘰病之源絕矣。豈不愈於見瘰治瘰哉。

若兒科能於六淫之邪。見幾於早。吾知小兒之瘰病。必少。惟濕

久致瘰者。頗多。蓋濕為濁邪。最善瀰漫。三焦上蔽清竅。内蒙臆

中。葉案。中此症。最為詳細。學者兼參可也。

瘧痢而致瘕者。宜審其偏陰偏陽而補救之。再於葉氏吳氏瘕痢門中兼求之。

(六)燥瘕 凡燥瘕 錄津液 其治畧 風温若 秋伏暑

燥發瘕 宜辛涼 甘潤審 濕苦辛 甚辛寒 燥化寒

痛不安 宜苦温 甘辛淡

按燥瘕係燥氣化火。消鑠津液所致。其治畧似風温。學者於葉

氏吳氏秋燥門中求之。

秋燥證治

燥經因正秋之時。有伏暑內發。新涼外加之證。燥者宜辛涼甘

潤。伏暑兼濕。宜苦辛淡。甚者苦辛寒。

燥瘕因燥氣化寒。脇痛嘔吐。法用苦温佐以甘辛。

七丙傷飲食瘕 俗所謂慢脾風者是也

傷食瘕 俗慢驚 按斯病 吐瀉微 脾胃傷 及腎陽

參朮散 益氣湯 虛寒甚 理中方 葉案中 癩瘕厥

乃師範 宜參酌 俗驚風 最險惡 世訛傳 眩久惑

方前駁 喻後警 訛傳訛 宜付丙 葉範圍 先防疾

治未病 醫家律

按此證必先由於吐瀉有脾胃兩傷者有專傷脾陽者有專傷胃陽者有傷及腎陽者參苓白朮散四君六君異功補中益氣理中等湯皆可選用虛寒甚者理中加丁香肉桂果訶子之類因他病傷寒誤涼者亦同此例按小兒內傷飲食泄瀉變瘕但脾陰胃液未有不受灼燥用參

亦理中則可。學者認證不確，非虛寒甚，妄施丁香肉桂燥液傷陰為禍最烈。

按葉氏小兒吐瀉案後，華岫雲駁俗論最妙。學者再參之。錢薛李張諸名家，可無餘蘊耳。然此證俗所謂慢驚，最為難治。歷世詭傳，妄治已久，遂致海內風行。方中行駁之於前，迨其後雖經喻氏辨論，至今日此風尚未息滅。是所望於後之有志改良者，勿售其書而讀之。今日所以深許葉案中治法之妙，全在吐瀉時先防其瘵，非於既瘵後治之而嘆上上治未病之確論也。

（八）客忤瘵，俗所謂驚嚇是也。

客忤瘵 兒體弱 見異常 非驚嚇 百證中 或有一

兒瘵病 身發熱 食無汗 面青赤 手足蠕 湯復厥

加犀角。桂薑却。調心藥。細參酌。

按小兒氣弱神怯。或見非常之物。聽非常之響。或手足落空。跌撲之類。偶爾成瘥。百症中僅有一二。非小兒所有。瘥病概用驚嚇而致瘥也。

客忤瘥證。現發熱。或有汗。或無汗。面時青時赤。夢中呓語。手足蠕動。宜復脈湯去薑桂參棗。加丹參丹皮犀角。補心之體。以配心之用。大便結者加元參。溏者加牡蠣。汗多神不甯。有恐懼之象者。加龍骨。整琥珀。整硃砂塊。取其氣而不用其質。目無流弊。然必細詢病家。確有所見者。方用此例。若答語支離。猜疑不定者。靜心再診。非得確情。不宜妄藥。按瘥厥則陰陽逆亂。少不合拍。便不可救。為病家情急。因亂投

藥餌胡針亂灸而死者不可勝紀。病家既無主宰，醫者又無宗旨。兒命其何以堪。

元 本臟自病。瘵此證則瘵病也。

此本臟。兒病瘵。由父母。溺愛甚。忍受寒。衾厚蓋。

逐日汗。津液壞。如產婦。亡血病。衛陽瀉。邪易逞。

凡父母。勿過愛。暗中祛。無窮患。治未病。藥石箴。

宜柔肝。宜育陰。榮血足。風自息。脈復素。善後策。

按本臟自病瘵。由於平日兒父母太姑息。恐兒受寒覆被過厚所致。或冬日房內熱炕過煖。以致小兒每日出汗。汗多血亡。與產婦亡血致瘵全理。蓋肝主血。肝以血為自養。血足則柔。血虛則強。故曰本臟自病。然此一瘵。又實為六淫致瘵之根。以汗多

亡血者。係本藏自病。汗多亡衛外之陽。則易感六淫之邪也。本藏自病。痲證治。

一以育陰柔肝為主。即與產後止血致痲一例。所謂血足風自滅也。六味丸復脈湯二甲復脈三方。大小定風珠二方。專翕膏均可選用。若用專翕膏。宜痲止後。每日服四五錢。分二次為填陰善後計也。六淫誤汗致痲者。亦同此例。救風溫風熱誤汗者。先與存陰。不比傷寒誤汗者。急與護陽也。

痲痲厥癩四大證

痲與痲。厥與癩。此四病。皆屬險。水火殊。寒熱別。

曰驚風。曰痰熱。此四法。忌混一。惟吳氏始分晰。

痲宜剛。柔治痲。知寒溫。涵一切。

按吳氏云。素問謂太陽所致為瘧。少陽所致為瘧。蓋瘧者水也。瘧者火也。又有寒厥熱厥論。最詳。後人不分瘧瘵。厥為三病。統言曰驚風。痰熱曰角弓反張。曰搐搦。曰抽掣。曰癇瘵。厥方中行作瘵書。其中所論亦混瘵而為瘵。葉案中治癇瘵。厥雖詳。而統稱瘵厥。無瘵之名目。亦混瘵為瘵。攷他書更無分別。前瘵病論因就時人所易知者言之。惟吳氏瘵論內言。小兒瘵癇。厥甚詳。且能分辨其治法。真發前人所未發也。

瘵瘵厥癇界說

一瘵 瘵屬足太陽。瘵者水也。強直之謂。後人所謂角弓反張。古人所謂瘵也。仲師剛瘵柔瘵之論。為傷寒而設。故總在寒水一門。兼風則有汗之柔瘵。蓋切而實者也。濕門則有寒瘵。

二(瘕) 瘕屬少陽相火。蠕動引縮之謂。後人所謂抽掣搖擻。古人所謂瘕也。抽掣厥逆不止者瘕也。有虛熱。有實熱。久耗其液。則成虛熱之瘕也。

三(癩) 癩疾時作時止。止後或數日。或數月復發。發亦不待治。而自止者癩也。

四(厥) 厥病四肢冷如水者厥也。四肢熱如火者厥也。有時冷如水。有時熱如火者亦厥也。

急驚慢驚誤傳之界說。俗名瘕為驚。厥原有急慢二條。

二(俗急驚) 所謂急者一感即瘕。只要認證真。用藥確。一二帖即愈。

三(俗慢驚) 先瘕而後病。所謂慢者病久而致瘕者也。非傷脾。

陽而肝木來乘。即傷胃汁。而肝陰肝風。鳩張一虛寒。一虛熱。蓋虛寒北多而南少。虛熱南多而北少。最為難治。醫者不因地辨證。毫釐千古。其害豈勝言哉。

上卷三時伏氣外感篇諸證。方藥已附篇後。此卷驚風闢妄。略於方藥。而痙病諸證之方。因已詳於最新溫熱篇。揭要內外集方論不贅。蓋小兒無專方。以上二卷證治之方。乃折為小劑用之可也。今兒科開口即曰食。曰驚。曰風。曰疳。所用之藥。大抵以鈎藤。秦芫。防風。羌活。獨活。天麻。前胡。全蝎。殭蠶。為祛風之品。硃砂。牛黃。胆星。石菖蒲。天竺黃。赭石。青黛。赤芍。金銀花。煎湯為定驚之品。以山查。神麩。麥芽。穀芽。菜服子。枳殼。厚樸。檳榔。草菓。為消食之品。以蕪荑。榧子。使君子。蜈蚣。土五穀。盡為治疳之品。以

杏仁葶藶酒。桑白皮。半夏。糶。蘇。陳皮。貝母。天花粉之類。謂為通用調氣化痰之善藥。父傳子。師傳徒。其方殺人。之具也。錢仲陽以金石之藥為倡。猶有一二方近道處。至鐵鏡。米。飯。湯。則亂道甚矣。近日兒科。只用以上所列諸藥。任意寫來。造孽無已。殊堪痛恨。

疳疾論

疳者乾也。人所共知。不知乾生於濕。濕生於土。虛土虛生於飲食不節。飲食不節。生於兒之父母之愛其子。惟恐其兒之飢渴也。蓋小兒之臟腑薄弱。能化一合。與一合有半。即不能化。而脾氣鬱矣。脾氣鬱而腹滿。腹日滿而肢愈瘦。故曰疳生於濕也。王士雄曰。疳者乾也。誠能識得乾生於濕。濕生於土。虛且扶土之

不暇猶敢恣用苦寒峻傷其胃氣重泄其脾氣哉治法允推東

垣錢氏薛氏葉氏能得仲景之心法而推廣之

一疏補中焦二升降胃氣三升陷下之脾湯四甘淡養胃五調

和榮衛六食後擊鼓以鼓動脾陽古者以樂補食之義鼓蕩陽

七難經謂傷其脾胃者宜調其飲食八如果如有疝蟲再少用

苦寒酸辛如蘆薈胡黃連烏梅史君子川椒之類九若見疝即

與苦寒殺蟲便誤矣

疝疾方全蠋三錢烘乾為末每用精牛肉四兩作肉團數枚加

蠋末少許蒸熟令兒逐日食之以全蠋末完為度

大棗百十枚核之大小實以生軍外裹以麩煨透熟搗為丸如

小棗核大每服七丸日再服神效

小兒範叙

平嘗謂著書難著醫書尤難著多科之醫書則尤難乎其難蓋醫者操生殺之權一或不慎而人之生命即殞於其手今之施醫於壯者老者望聞問切其病大畧可知若夫襁褓小兒啼笑無端疾痛疴癢不能自表裸其肺腑未充筋骨尚脆藥物鍼砭皆不可妄投輕試非三折肱者烏足以語此吾鄉松齡徐先生潤之性穎異不屑為帖擘之學尤耽好佛老嘗欲披髮入山作苦行頭陀其遣懷詩有云筆瓢自笑齋心士瓶鉢誰憐帶髮僧然心極慈善每慨世之業醫者率皆畧涉方書輒沾沾自喜以人命為嘗試恒引之為大戚用是苦心孤詣一遠於醫竭數十寒暑以研求之與今俗而不與古背其所著書如十種皆能發前人所未發而小兒範一

書尤其有得於心而徵諸實驗者也。平幼時善病瀕危者數非得先生力早已化為異物。吾父恒為平言之。平未嘗不感激而涕零也。先生故傲僻。宴人子中夜扣扉即速起赴診。或赤貧不能備藥餌者。慨飲之。毋少吝。至富家貴族。苟非素所往來。縱以重金聘弗顧也。然則是編也。殆本其長生之方而為保赤之舉。以菩提之心而為活人之術也。守其書詞句淺顯。竈姬易解。即不知醫者亦不難按圖以索。隨證而奏效。記曰如保赤子心誠求之。雖不中不遠矣。吾於先生之書亦云。

中華民國元年歲次壬子季春鄉後學朱平拜序

小兒死序

嘗聞其之書醫者恆亦求而予曰醫一婦人不如醫一男子醫
一小兒多如醫十婦人蓋一婦人之難治在經血生而小兒之
難治則未終于孩提間而切切於其死也予志男婦幼之症
雖不同而生受病之因與治而之理則無以異與謀能審病
根養生之原素慎治法及之妙用則傷寒溫病之辨與經血
實之分其理同也此法之同何分於男婦其何分於老幼耶
既為最妙選編即繼以述之初便二編巧識以經產二門
雖屬婦人專科而究其雜症實屬同而委相異第於本病
治法亦加經產各首於後之矣至幼兒各症編中雖間有
其男而亦詳六究此道於之一大缺點也且歷種福仿撰

序

書率多背脊急驚慢脾強主在日星附根撲胃味酸振振
不思食性純陽去忌辛熱而胃腸善弱消克之品亦宜
是物彼之所謂難云其說宜去易完未嘗不思其所以難耳
非何辜乎克爾擾適茶毒耶 潤之 急之惻然因再推三伏
氣福及近世喻氏說之在福何編乃之字名曰克兒苑如
以政多女生方針先宜而後道里不悞此則鄙人之苦衷云
也 亦宜多作列君豈敢

中華民國元年一月三日 孫潤之自識

臍風論症

小兒初生所係在臍。斷臍之時不可不慎。或剪臍帶太短。或結束不緊。致外風侵入臍中。或浴兒時牽動臍帶。水入生瘡。客風乘虛而入。內傷於腎。腎傳肝。肝傳心。心傳脾。脾傳肺。毒蘊其中。發為臍風。其證面赤啼叫者心病。手足微搐者肝病。唇青口撮痰涎壅塞者脾病。牙關緊急者腎病。啼哭不止者肺病。五藏之證。畧見一二者。猶可治。悉見者不治。病目有三。曰臍風。曰噤口。曰鎖肚。皆臍證。而有寒熱之分。治者宜細認之。

一曰臍風。由斷臍後為水濕風寒乘入於臍。而流於心脾。令肚腹脹滿。吮乳口鬆。多啼不乳。此初起之時。速用火攻散之。即愈。若至氣息喘急。啼聲不出。或肝上青筋。疝作痛。此胎毒夾風邪入藏。

外用火攻。內服指迷七氣湯。胎毒門三卷如肚臍青腫。撮口不開。牙

關緊閉。口吐白沫。瓜甲青黑者。皆不治。

一曰噤口。兩眼不開。啼哭不起。舌上聚肉如粟米狀。吮乳不得。口

吐白沫。大小便不通。若遇此症。湏看其上脛有點子。即以指甲輕

刮破。先用木香白菴仁各五分煎湯化下。繼用沆瀣丹。能使其藏

府流通。氣順漸愈。

一曰鎖肚。由胎中熱毒壅腹。以致大便不通。起時急令婦女用溫

水漱口。吮之。從前後心併臍下及手足心七處。吮共四五次。畢用

輕粉五分研末。蜂蜜少許。溫水調服。以通為度。如再不通。用葱白

二三寸長。用油抹潤。輕透穀道。納入二寸許。一二日內即通。若至

七日不通者死。古人之論臍風。皆謂由於水濕風冷所致。余以為

此論猶未盡善也蓋臍風有內外二因有可治不可治之別外因風濕所傷內因稟父之真陽不足也

兒初生臍匪輕剪臍帶風易乘內五勝變症成

發臍風蘊毒現見一二猶可治兒臍風頗為重

惡候三臍風首次鎖肚次噤口攷古論臍風自

由水濕風冷致內外因辨確切昔禹鑄豫防訣

三七期兩眼角面紅黃為吉色或母乳有小核

凡臍風因而發昔燈火異人檢雖危險能回救

幼科醫誤用之火內攻治難施如隱秘無益世


今幼科反閉阻邪何尤釀成禍驅邪出勿閉匿

此醫律不可易請方家賜斟酌

惟令乳母每日摸兒兩乳。乳內有一小核。是其候也。然乳內有核。發臍風者固多。而復有不發臍風者。此法十有七八。亦有二三分不確。但看小兒不時噴嚏。更加多啼哭。吮乳口鬆。是真候也。急宜治之。第臍風之治。無成法可遵。雖有疏風攻下之法。莫能濟急。獨異授燈火法。無論臍風痊搐。以及凶危險證。用藥不能挽回者。此火可以生之。久經效驗。未有輕傳。因見幼科不知火穴。往往錯誤。用之。反致動風邪。蔽固火毒。致兒身熱不退。火毒內攻。每多不救。故不忍隱秘。盡行吐露。以公諸世。為今幼科。不但為逐邪而反閉關絕險。阻其去路。使邪氣進不可退。不能猖狂躑躅。欲其邪不倒。乃相攻。斬關逆犯者。不可得也。此皆為治者釀成之禍。於邪何尤。凡邪之傷人。未有不從三陽而入。驅者邪祛。亦必使其從三陽

而出故此火穴亦維三陽有之蓋欲引其出表斷不使之入裡也
因為圖說詳後

夫治嬰兒用全身燈火誠幼科第一要法實有起死回生之功火
共六十曰雉陰符易數能疎風散表行氣利疾解鬱開胸醒昏定
搐一切凶危之候火到病除用火之時倘值寒冬必於房中燃燒
明火使兒不致寒燈草大小適中以麻油染用令老鍊婦人抱兒
解衣去帽從左耳角孫起總依後之歌訣用之凡用火不可姑息
勿謂火數太多憫其難受蓋小兒受病由其經絡阻滯腑氣不舒
以火散之正欲使其大叫大哭方得腑氣流通渾身得汗榮衛宣
暢立時見功此火暗合用火不可減少少則不效若救臍風非此
不可火穴圖哥並列於後



新江瑞安務本局石印

新江瑞安務本局石印

集成神火歌

仙傳神火天然理始自角孫應脈起聽宮曲鬢本神旁次乃天容
仍右取顙會承漿左肩井曲池合谷諸邪屏氣關已過至神門右
亦如之昏可醒左乳根中七焦始右亦如之何待齒齧下陰交續
命關平平三點凶危正脊中身柱至長強肺俞陽陵承山當崑崙
解絡邱虛穴湧泉右亦效之良

指明火穴

仙傳神火天然理始自角孫應脈起凡用燈火無論男嬰女嬰皆從左邊用起角孫在耳尖上
應脈在聽宮曲鬢本神旁次及天容仍右取聽宮在耳門前曲鬢在鬚脚旁本神在顙
耳後根聽宮曲鬢本神旁次及天容仍右取聽宮在耳門前曲鬢在鬚脚旁本神在顙
角天容在耳輪根下左顙會承漿左肩井曲池合谷諸邪屏顙會承漿左肩井曲池合谷諸邪屏
連已完石亦然如此顙會承漿左肩井曲池合谷諸邪屏
門承漿在下唇宛宛中肩井在肩上宛宛中從左起故曰左氣關
肩井曲池在肘灣宛一廉屈逢處合各在虎口近夾骨處

已過至神門右亦如之昏可醒氣關在食指第二節神門在掌後
 左乳根中七焦始右亦如之何待齒自左乳根下走從十至下
 下陰交續命關平平三點凶危止陰交在膈下半脊中身柱至長
 強肺愈陽陵承山當身柱在項骨三節下從上至下九焦至長
 邊下三寸承山崑崙解谿邱處崑崙在膝外
 在脚肚盡處崑崙解谿邱處崑崙在膝外
 擊鞋帶邱墟在外踝骨前湧泉在脚底中心左脚卒完右亦如之

宜用火者

一平素產子有臍風則胎胎不爽於產下第二日勿待其發先以
 火散之百不失一
 一胎嬰生下多暗不乳噴嚏呵欠吮乳口鬆是即臍風作發急以
 此火散之

一凡兒病面青面黑項搖頭仰身擦面或眼青怒視或左右斜視上下竄視或兩目連眦或頭項牽強踈舌露筋噓風撮口啼哭咬人或手如數物或兩手牽引或兩足跳掣忽擾忽亂失張失志但覺神情與常有異者由從前表裡不清將欲作瘥此火之妙

一傷寒已瘥角弓反張眼目斜視左右搖擗并中惡客忤癘證與食填太陰及一切風閉火閉痰閉氣閉乍然卒死者此火最神一食傷脾胃肚大青筋於端午日午時用全身燈火復於青筋處以火截之一爻一點其肚自消

一風寒痰氣閉塞之證此火實有神功凡用燈火既完俟兒啼哭已定即用金粟丹半丸薑湯化服服後以衣衣之蒙其頭面令


之安卧片時。以復其神志。其病如失。切忌火熯。

一 小兒因傷風感冒。身熱出汗。大小便調。唇舌如常。口不作渴。此表病輕證也。疎解之則愈。愚人妄用。是謂輕病重治。反為不妙。一 內熱者。清利之自愈。不可用火。強用之。不特不能使熱邪從裡以達表。適足以助熱而耗陰。致身熱不退。在夏秋燥令。尤為大忌。

一 小兒大病久病。身體怯弱。面目青黃。唇舌白癆。搖頭斜視。昏睡露眼。形體消瘦。聲息輕微。自汗盜汗。或一切嘔吐瀉利。痘麻瘡癰。久嗽失血之後。精神疲倦。乳食減少。指紋沉細。大脈無神。此皆虛極之證。切治火攻。慮其升故也。

一切久熱消渴疳證。形骸黑瘦。毛髮焦枯。由陰虧血弱虛熱所為。

一 誤用燈火。愈增其病。慎之。
一 燈火為兒科切要。今醫家不時不明火穴。而併不辨寒熱虛實。不當用而用之。反為大害。惟依以前辦法。則用之無不當矣。



夏禹鑄曰。臍風初發。吮乳必口鬆。兩眼角挨眉心處。忽有黃色。宜急治之。最易。黃色到鼻治之。仍易。到人中承漿治之。稍難。口不撮。微有吹噓。猶可治也。至唇口收束鎖緊。舌頭強直。不必治矣。一見眉心鼻準有黃色。即用燈火於顙門一燂。人中承漿。兩手大姆指端。少商穴各一燂。臍輪遠臍六燂。臍帶未落於口一燂。既落於落處一燂。風便止。黃即退矣。按陳氏云。古今燈火。惟上全身。火有經有府。有理有法。無有出其右者。第火穴多。恐倉卒之際。在嫻熟者不難。倘未經練者。一時不能用。故附夏氏臍風火於此。病忙迫之時。可以濟急。此火亦曾經驗。第不及全身燈火耳。

初生兒 臍風律 凡吮乳 口鬆若 兩眼角 眉心際
 忽黃色 治最易 到鼻間 非難治 至承漿 治稍難

小兒驚風六病
 浙江瑞安務本局石印

口吹噓。猶可高。視唇口。舌頭強。此惡候。不治彰。

眉鼻間。黃色現。用燈火。按穴焦。倉卒間。功易濟。

未經練。用非易。夏禹鑄。臍風注。忙迫時。火可濟。

曾經試。治亦驗。

回生艾火

以前全身燈火。皆為實邪升散之用。併一切怪證。莫可名狀者。無不奏功。倘涉久病。體虛精神潰亂。人事昏沉。前火則為不宜。須用回生艾火。挽之。蓋此火能回散失之元陽。收歸氣海。固其根蒂。免致離散。其法以生薑切為如紙薄片。大如指甲。貼尾閭穴。脊處命門穴。前在腰脊間。正對臍。以艾絨接緊如菟豆大。安薑片上。用火灸之。每穴以三炷香為度。灸完另以薑片貼臍下陰交穴。如前灸之。此火不

特小兒可用。凡男婦一切中風中痰氣厥陰證虛寒竭脫凶危之候咸宜用之。有起死回生之功。幸毋輕視。凡小兒中惡容忤以及痰閉風閉火閉乍然卒死即以全身燈火醒之。倘一時未有其人即以女指掐其人中穴。病輕者一掐即啼哭而醒。倘不應掐合谷。又不應掐中衝。若再不應其病至重則以艾丸如蘿蔔子大於中衝穴灸之火到即活。蓋中衝一穴為厥陰心包絡之所出。其經與少陰心脈相通。此火一燃則心中惕然而覺。倘此全然不知則百不能救一矣。

入方

辰砂殭蠶散

一治撮口臍風銷肚

用鏡辰砂

水飛五錢

直殭蠶錢炒一

天竺黃五分

蜂珍珠三分

真麝香分

共為末每用少許蜜調抹兒口內

龍膽湯 治身熱臍風撮口 用龍膽草 鉉藤鈞 北柴胡片

姜黃 京赤芍 炙甘草 芽桔梗 白茯苓各五分 川大黃

紙包煨 一分 大棗一枚水煎溫服

保生陽 治胎風鎖肚口噤 用北防風分 陳枳壳五分

小桔紅四分 白茯神三分 荆芥穗三分 遠志肉四分

製南星五分 芽桔梗三分 炙甘草二分 燈心引

二豆散 治臍腫突 用紅飯豆 淡豆豉 天南星 鮮白蘇

錢各一 共為末用芭蕉自燃汁少加香油調藥敷臍四傍得小

便日子即愈

龍骨散 治臍瘡 用石龍骨煨一錢 真輕粉五分 川黃連錢一

枯白礬煨一錢

共為末乾搽又一方用大紅羊絨燒灰為末敷

之效

臍證簡便方

小兒初生犯撮口臍風荷包風鶩口風等項。杵齒根邊生白點名馬牙。啼哭不吮乳。即看口內堅硬之處。或牙根邊白點。將針挑破出血。濃煎薄荷湯。磨京墨調勻。以指攪過多吹。再以產母亂髮蘸墨滿口搽之。仍用新青布蘸溫水試口即愈。

小兒臍風撮口。用今生葱二根。搗爛取汁。又以直隴蠶三個炒去絲研極細末。以葱汁調勻塗母乳頭。令兒吹之。或灌兒口內亦可。

小兒臍風撮口。以艾葉燒灰填臍上。以帛縛之。若臍帶已落。用蒜切薄片貼臍上。以艾火灸之。俟口中有艾氣立愈。

小兒噤風。初生口噤不乳。蟬脫十四枚。全蝎去尾毒洗去。鹽泥十
四枚。炒乾為細末。入輕粉三分。每用一匙。乳汁調灌即愈。

小兒撮口。但看舌上有瘡如粟米者是也。以蜈蚣炙焦研末敷瘡
上。

小兒撮口噤風面黃色。氣喘聲不出。由胎氣拔熱流毒。心脾故令
舌強唇青。聚口發噤。用直殭蠶二枚。去嘴略炒為末。蜜調納兒口
中。

小兒十日內口噤不乳。取大蜘蛛一枚。去足炙焦研末。入精油一
小杯和勻。分作三次。徐徐灌之。神效無比。

小兒臍瘡出血及膿。用海螵蛸胭脂共為細末。以油潤瘡及搽。

指紋漸義論

羅浮陳氏曰。指紋晰義之書。起於宋人錢仲陽。以食指分為三關。寅曰風關。卯曰氣關。辰曰命關。其決謂風輕氣重。命危未必其言悉驗。而其義可取。蓋位則自下而上。邪則自淺入深。證則自輕而重。人皆可信。祇恨詭異謬說。復出驚風門類。致後賢多歧亡羊。反成疑案。後世俗子假託其名。而為之者。惟有識者知其語言鄙俚。證論荒唐。便能棄置不用。如張景岳。夏禹鑄輩。皆言可不必用。蓋非不用。實惡其妄誕不經。而無可用耳。夫醫關生命。乃聽無稽之言。流傳貽殃。忍乎哉。蓋此指紋。即太淵脉之旁支也。則紋之變易。即太淵之變易。不必另立異說。眩人心目。但當浮沉分表裏。紅紫辨寒熱。淡滯定虛實。則用之不盡矣。

凡幼科

指紋視

創宋人

仲陽始

以食指

分三關

風氣命 輕重危 言頗驗 義亦偉 蓋其位 下而上

淺而深 輕至重 言驚風 指辨悉 無稽談 謬罔極

太淵旁 指紋設 紋浮沉 表裏主 紅與紫 辨寒暑

色淡滯 虛實處 柰時醫 誤驚風 盲失路 墮淵中

託錢氏 語齊東 後君子 勿為蒙

指紋切要

小兒自彌月以至於三歲。猶未可以診切。非無脉可診。蓋診之難。而虛實不易定也。小兒每怯生人。初見不無啼呼。呼吸先亂。神志倉忙。而遲數大小已失。本來之象矣。診之何益。不若以指紋之可見者。與面色病候相印證。此亦醫中望切兩兼之意也。

指紋三關圖

此起經明陽手商
手大陰經至此至

三關部位歌

今人抱兒對立於向光之處以右手握兒食指以我右手拇指推
兒三關察其形色細心體認亦惟辨其表裏寒熱虛實足矣世人
好義不從實地用功以此為淺近之談不屑留意不知臨證能辨

小商手太陰經終此



必於醫釋六編

浙江...

此六者便為至高之手。蓋表裏清則知病之在經在腑而汗下無
候寒熱明則知用寒遠熱用熱遠寒。或寒因寒用熱因熱用。因事
制宜用無不當。虛實辨則知大虛有盛候大熱有羸狀不為假證
眩惑。凡真虛真實易知假虛假熱難辨。真假既明則無虛虛實實
之患於此切要關頭不知體會。但以不經之言欺世誑俗。謂何者
為人驚。何者為畜驚。不特欺人而且自欺。不特無益治療而且誤
人生命是誰之咎哉。

三關部位歌

部位未可以定輕重安危由古存三關之說姑存之耳

初起風關證未央。氣關紋現急須防。乍臨命位誠危急。射甲通關
病勢彰。

浮沉分表裏歌

指紋何故乍然浮。邪在皮膚未作愁。腠理不通名表證。急行疏解汗之優。

忽爾關紋漸漸沉。已知入裏病方深。莫將風藥經相試。須向陽明裏證尋。

紅紫辨寒熱歌

身安定見紅黃色。紅艷多從寒裏得。淡紅隱隱本虛寒。莫將深紅化為熱。

關紋見紫熱之徵。青色為風古所稱。傷食紫青痰氣逆。三關青黑禍難勝。

淡滯定血虛實歌

指紋淡淡亦堪驚。總為先天賦稟輕。脾胃本虛中復弱。切防攻伐

損胎嬰

紋形五病歌

關紋瀋滯甚因由邪遏陰榮衛氣留食鬱中焦風熱熾不行推蕩
更何求

腹疼紋入掌中心彎內風寒次第侵紋向外彎疾食入水形脾肺
兩傷陰

凡看指紋以我之大拇指側面推兒食指三關切不可覆指而推
蓋螺紋有火尅制肺金紋必變色又只可從命關推上風關切不可
從風關推出命關此紋愈推愈出其紋在先原未透命關誤推
而出之夫肺氣慎之戒之

以上表裏寒熱虛實鑿鑿有據但能於臨證時認得此六字分明

胸中自有主宰。雖不中不遠矣。若但以驚風塞責。何應對耶。

小兒脈法

小兒三五歲可以診視。第手腕短促。三部莫分。惟以一指候之。誠非易易。內經診視小兒。以大小緩急四脈為準。于不避僭越。體其意。竟易為浮沉遲數。而以有力無力定其虛實。以大小緩急更為明悉。後賢其體認之。

松齡醫鐸麻疹則序

麻疹名家古今不下十餘謂麻疹為胎毒宜涼與痘之宜溫者迥別此通論也但攷其方藥則皆羗防柴葛辛溫之品實行與理論寒溫反對如風馬牛蓋因諸家皆係北人北地長寒故藥主辛溫與論不符南方地氣溫濕麻多發於春夏之際而葉氏等又產於吳越故治麻之藥多用甘寒非惟不背乎經旨實深有合於時趨葉氏自序所云麻疹屬熱化者主病之常眾所同也屬寒化者他氣之逆千萬中之一也藥宜苦寒但恐助燥劫津夫苦寒尚恐消燦胃汁而况溫燥傷陰礙中府之化機有不滋增其病者乎今師葉氏之義治疹用涼兼解時毒將古今先哲之論症傳方統加考核宜者存之不合者刪之或參葉氏之時方而辨明之以附於小

松齡醫鐸小兒範

平陽松齡徐潤之著

麻疹證治

緒論

麻疹雖天行時氣。寔乃胎火為毒。故麻點小而細密。心火旺而肺受刑。故治麻當以肺為主。肺絡於胃。胃故次之。為麻疹初出是麻非麻。已盡出未盡出。頭面身背四肢尖端。順險逆。三大證治之問題。

一麻疹發熱初出見證之徵驗。○麻疹發熱咳嗽火炎於肺。○鼻流清涕以火鑠金。而液自流。○目中淚出。乃肺熱移於肝。○凡手掐眉目。肺熱之見證。○噴涕瀆眼中水現。○腹疼陣陣。或時吐瀉。胃熱觸動伏氣。以上麻疹初出之確症。

一 小兒發寒熱咳嗽非麻之辨證。小兒雖當天行發麻之時候。發熱咳嗽。面間現有細癩。此乃傷風外感。而無鼻涕。泪出。腹疼。吐瀉。手掐眉目。諸候。非出麻疹之證。醫者須明辨之。

一 麻疹盡出四肢尖端。身背斑若錦。順候之寶驗。

一 麻疹本屬陽府經邪。初起必從辛涼疏治。症見頭痛喘急咳嗽。

氣粗嘔惡。疹即發出四肢尖端。身背之色紅赤鮮明者順。

一 麻貴一齊湧出。疹只要齊出。便覺輕減。以火照之。遍身如塗朱。

之狀。此乃將出之時。細看粒粒成瘡。非若斑之皮紅成片。而色

赤鮮明。如蚊咬之迹者是也。四肢尖端盡出者順。

一 麻疹出沒。常以六時為準。假如子後出。午時即收。午後出。子時

即收。旋出旋收。色鮮者順。

一麻疹初發亦宜和緩則易出。所以發疹之初。只要出發得盡。則毒便解。故治麻疹無過熱。無過寒。溫涼得宜。陰陽自和。是為得之者屬順。

一麻疹未盡出之險證。○麻疹發熱之候。時值寒令。或寒或熱。以藥疏之。六七日後。明是麻證。却不見出。此乃皮膚堅厚。腠理閉塞。又或風寒襲之。曾為吐瀉所伏。宜表裏疏解者屬險。

一麻疹初發熱時未出。咳嗽千聲不已。喘急面浮。火毒內蒸。肺葉焦燥。宜辛涼者屬險。

一麻疹發熱時。自汗鼻衄。毒從而解散。汗太過宜清。衄太過宜涼者屬險。

一麻疹發熱吐瀉。純是火邪內迫。毒在上焦下焦。有上吐下瀉之

別毒在中焦。吐瀉並作。其上中下三焦分別證治者屬險。

一麻疹咽痛。本為常候。乃火毒上逆而痛。勿與喉痺同論。勿用鍼

砭。咽乾作痛。宜辛涼細嚥者屬險。

一麻疹初發。喜紅赤。蓋紅發於心經。而為火之正色。若其色淡白。

係心血不足。忌用辛溫。宜養血化斑。色太紅艷。或微紫。或出太

甚。宜大青湯。加犀角。黑色者屬險。

一麻疹收後。飲食如常。忽然心胸絞痛而死。或因元氣怯弱。疫毒

乘呂潛伏。外似無病。內實虧損。一中而死。若謂之中惡。雖疫厲

傳染。未曾不由人事之未盡。故屬險。

一麻後四大逆證。一身熱不除。洩痢不止。走馬疔。咳嗽喘急。此四

逆候之見證。一麻後熱不除。忽作搐搦。不可稱為驚風。宜清理

小便清者可治。短少者屬逆。

一麻後洩痢日久不止。或下鮮血如煙塵水者屬逆。

一麻後才齧黑爛。名走馬疳。環口青黑。頰漏齒脫。唇崩鼻壞者屬逆。

一麻後咳嗽甚急。胸高喘息。鼻燥昏悶。擺頭搖首者屬逆。

以上麻疹。及是麻非麻。已盡出未盡出。順險逆三大證明晰。範圍順證。勿藥而喜。險證十全七八。逆證例在不治。十全一二。學者細心詳參。臨症何難立辨。

一麻有五善。有七惡。五善者：(一)飲食如常。(二)大小便調。(三)麻色紅活。皮厚堅實。(四)脉靜身涼。手足溫暖。(五)聲音清朗。動止安和。五善能見一二。亦自有吉。七惡者：(一)煩渴悶喘。身熱譫語。(二)嘔吐

瀉痢胃不納穀(三)黑陷焦枯出沒失期(四)頭面預腫鼻煽肩擡
 目張唇裂(五)舌爛喉疳食入即嘔飲水則噎(六)寒顫咬牙聲啞
 色黯(七)腹脹喘促四肢厥冷七者但見二三即屬不治

此類皆由寒而致... 凡此類症... 宜用... 治法... 宜用... 治法... 宜用... 治法...

麻疹證治論

麻乃胎毒多帶時行氣候寒溫非令男女傳染而成其於也與痘相似其變也較痘非輕若夫天行痘癘最怖伏邪兼證非老成精煉之醫最難辨證分經不知毒起於胃熱逆於心朔終變幻腎別無證雖胎毒厲氣因心火旺而肺受刑故治麻當以肺為主胃次之而肺絡於胃之緒肺胃之氣通於鼻故鼻流涕而不乾咳太息而難安將出之時以火照之隱隱身背之間以手抹之亭亭肌肉之際其形其色若疥若丹出沒之中乍隱乍現根窠若腫皮膚若丹麻之夾斑若錦乃屬順候無疑疹之如煤而黑却為逆證顯然麻疹實關生死證治須當細審汗出便利毒邪無壅腠理拂鬱即當疏潤胃腸秘結急與開通視大若細恐言變凶衄血若流邪從

血解便利兼血毒以利鬆所喜身涼所畏咽腫喝飲不休生津養
血無凶胃不納穀法當調土和中疹出太遲風閉熱閉常別出之
過甚解熱清熱宜設毋伐天和當視歲氣冬寒凜凜毒勢鬱而不
泄夏火炎炎邪氣乘而作厲溫補勿施恐助其邪寒涼節制休犯
其胃制過取平誅暴反正寒溫當適藥宜對證毒甚毒輕人體異
性麻疹既出將息難繼起居宜溫飲食淡製風濕瀆避恐防外襲
鹹酸當禁免致喘息異氣縱感變證須悉若便多膿血腸胃熱積
咳多涎沫肺中飲蓄唇焦舌爛心火未滌膚焦髮稿榮衛枯裂苟
不詳於臨證醫界焉能獨立

麻胎毒 染時淫 寒溫氣 失其令 易傳變 男女並
較發痘 匪輕病 疹出沒 生死證 妄湯液 殺人命

用寒涼	寒冷冽	麻遲發	咽腫痛	衄勿憂	膝裏閉	麻毒重	麻夾班	喘咳嗽	治先肺	毒始胃
休犯胃	鬱不行	疏為貴	可畏極	邪解同	疏解得	治有法	赤如丹	煩躁繼	脾胃次	逆於心
制其過	火炎炎	出過甚	飲不休	便兼血	腸秘結	微汗出	斯正色	班隱隱	初發熱	傳各經
取其平	厲氣來	解毒最	宜生津	毒利鬆	宜通適	熱外越	勿疑猜	身背見	似外感	腎無證
誅其暴	忌溫補	順時令	食若減	身清涼	大而細	便清利	如烟煤	乍隱現	目淚出	心火旺
反其正	邪易淫	視歲氣	宜和中	喜兼吉	吉變凶	邪無鬱	乃為逆	窠腫似	鼻涕憾	斯刑肺

節起居。飲食慎。防風寒。鹹酸禁。感邪氣。成變證。

便膿血。胃熱積。肺蓄飲。咳涎沫。唇焦裂。心火逆。

膚焦燥。調榮得。詳臨症。功易立。

麻疹屬肺胃三焦分別四時證治

手太陰肺疹。但有點粒無片片。

足陽明胃疹。如雲佈密。或大顆如痘。但無根盤。

肺疹發於冬時。身熱無汗。喘急宜麻杏。或華蓋散。三拗湯。如發於

夏時。身熱無汗。宜辛涼解肌。銀翹散加減。

胃疹發於冬時。身熱無汗。宜銀翹散辛涼解肌。發於夏月。身熱無

汗。仍用銀翹散。或加知母香茹。或人參白虎湯。臨症酌用。

葉氏云。麻疹屬上焦者。藥味宜輕。以肺主氣。麻後前肺傷。咳喘皮

毛屬肺之合。外邪宜辛勝。裏甚宜苦勝。若不煩渴。病日多。邪鬱不清。可淡滲以洩氣分。

疥疹屬中焦者。疹火在中。為陽明燥化。多氣多血。中土伏熱。觸動竟致身熱不除。牙疳鼻爛。用藥氣味苦寒為宜。若苦過多。消燼胃津。宜甘寒以解胃分。

疥疹屬下焦者。鹹苦為主。若熱毒下注成痢。不必鹹。以稟堅。但取苦味堅陰燥濕。

春時發疹者。從風濕。宜銀翹散。桑菊飲。

夏時發疹者。因暑風。暑必兼濕。宜銀翹散。合白虎湯。無汗口不燥。宜加香茹荷葉。

秋時發疹者。熱挾燥氣。宜加減清燥救肺湯。去參膠。或杏蘇散。或

桑菊飲

冬令麻發者從風寒。輕則杏蘇散。重則麻杏石甘湯。

麻疹下痢吉凶界說

麻疹發時瀉泄屬順。下利五色亦無妨。大忌止瀉。疹發時二便不利者屬險。

麻疹忌溫燥補濇

一麻疹本屬陽府經邪。忌溫燥濇補。桂附羌防柴葛升樸參芪姜朮所謂痘喜溫煖。疹喜清涼。

二麻疹常有氣弱體虛。表散溫燥非法。奄奄釀成損怯。

三麻疹陰傷為多。救陰必扶持。胃汁氣衰者亦有之。急當益氣小

兒稚陰未長。稚陽不足。忌用剛燥。

赤疹白疹宜涼宜溫界說

赤疹遇清涼而消

白疹得溫暖而解

白疹宜溫即後人外用酒釀檉木粗草紙綿紗裹四肢得溫暖盡出尖端土人謂之過節疹色變赤屬順

麻疹忌升提補瀋宜宣通輕重二法界說

麻疹下痢乃熱毒內陷與傷寒協熱邪盡則痢止同法忌升提補瀋升柴羌防參朮龍牡輕則分利宣通重則苦寒解毒

疹疔

疔濕盛熱蒸口舌咽喉疔蝕若不速治有穿腮破頰咽閉喘促告斃者多治之宜早外療另有專方若湯葯方法必輕淡能止上病

或清散亦可。

麻疹發出遲早辨輕重界說

麻疹見症頭痛喘急咳嗽氣粗嘔惡一日二日即發者屬輕。麻疹七日外隱伏不透邪反內攻喘不止必腹痛脹秘悶治法宜苦辛清熱涼膈去硝黃者屬重。

麻疹贅言

(一) 麻疹俗呼麻子。胎毒挾火薰蒸發時紅點徧身形。肺胃二經無定黑斑本屬死證最宜赤似朱櫻大都證治喜清涼不許辛溫犯禁。

(二) 疹因如何咳喘肺胃二經相連胃火蒸燂肺相刑以致喘咳相兼。葯宜清胃降火。辛胡犯禁不宜蒸籠包子譬之然只要氣鬆。

火遍

(三) 如何辨認麻疹。狀似外感風寒。咳嗽。身背有紅斑。眼中水現。不安。噴嚏。腹疼。陣陣吐瀉。時或相兼。發時吐瀉。不須嫌。正要毒除。熱減。

(四) 麻疹二症。須別。涼溫不可同方。痘宜溫解。疹宜涼。只要現形。為上。風寒外襲。不出。吉凶二證。難量。急宜疏解。保安康。最忌神昏。腹脹。

(五) 大凡麻疹未出。須憑時候如何。假如日暖。又風和。敗毒銀翹。其可。若是天行疫癘。岑連消毒。宜多。用心調理。救沉疴。坐井觀天。莫學他。

(六) 且論銀翹敗毒。真為發散仙方。銀翹生地。要相當。酒炒。岑連二。

樣桔梗人參甘草連翹牛蒡無雙元參酒案妙真良竺葉升麻
停當。

(七) 芩連消毒二樣解毒散火尤良。芩連梔子及荆芳桔梗石膏宜
商人參甘草知母牛蒡連翹紅花引尋竹葉要多加此個方真
無價。

(八) 疏解仍然不出令人憂覺驚疑麻黃非冬寒酒蜜炒如煤梔壁
芩連一例更着大黃酒炒連翹葶子相宜石膏蟬蛻最為奇不
效命難再立。

(九) 麻疹發時紫黑熱甚時毒尤凶急求人屎路朝東火煨成灰取
用研碎酒調吞下須臾黑變為紅若還依舊黑朦朧縱有神丹
何用。

(十) 麻已出時發熱化斑湯用為先。石膏甘草及人參。桔梗連翹靈驗。若是毒多熱甚。芩連消毒真傳。大腸秘結大黃添。務用微通數遍。

(十一) 麻疹發時咽痛。火毒熏燦無他。連翹甘桔要多加。牛蒡射干同下。外用十宣妙散。吹喉休要吁嗟。假如藥後有等差。消毒芩連妙也。咽痛乃火毒。勿與喉痺同論。

(十二) 疹毒相兼瀉痢。用葯預先調醫。瀉時四苓最相宜。加上甘草滑石。是痢赤白兩相兼。香連丸子相隨。大概痢止便為奇。不應令人驚疑。

(十三) 咳嗽聲氣喘。只宜降火清金。赤苓梔子併黃芩。杷葉石膏頗應。知母人參地骨。瓜萸杏子玄參。麥冬牛蒡妙如神。竹葉將來。

作引

(五) 疹後四診須防因循多致誤人。遍身久熱未清寧咳嗽連聲。牽引牙齒走馬疳生。赤白下痢難禁。各求方藥貴精純。始是醫家絕品。

(五) 為甚身中驟熱疹後餘毒纏綿。金花丸子用芩連龍胆梔仁。堪美鬱金雄黃解毒燈心地骨湯煎。若遠脾弱熱長延集古胃芩任選。

(六) 或因酸鹹不忌遂致咳喘頻頻。再加火毒肺受刑尤恐胸高氣喘體實兼行葶藶神虛清肺為先。如斯調理保安痊莫問風波弄險。

(七) 葶藶丸除肺熱杏仁防己為奇。葶藶牽牛腹棗隨配合共研成。

劑神丹清肺降氣。鹽湯著焙陳皮。苓連甘草蘇子研。杏仁同丸甚美。

(六)

口齒生瘡即爛。此名走馬牙疳。金花丸子好求安。外用除疔妙藥。先取尿缸白垢。火燒白色如鹽。更將五檣銅綠添。砒棗燒灰靈顯。

(五)

赤白鮮血下時。柏葉黃連槐花。枳殼荆芥同加。疏正血除方罷。白痢吳萸滑石。白芍枳殼宜高。烏梅并肉作丸加。赤白香連可下。

(三)

四疾更防死證。臨門休要殊差。身熱骨瘦如麻。面青咳嗽聲啞。齒落唇穿走馬。痢多禁口吁嗟。此般即是死冤家。就是神仙亦呀。

集方

一銀翹散 治春溫時令麻初發以辛涼解之

連翹 銀花 桔梗 薄荷 竹葉 甘草

荆芥穗 淡豆豉 牛蒡子

二銀翹散合人參白虎湯 治炎天暑毒疹既出熱盛不減小便

短瀉加石膏知母甘草粳米

三清燥救肺湯去阿膠 治秋令燥氣發疹未盡出四肢尖端

經霜桑葉 杏仁 麥冬 石膏 人參

阿膠 胡麻仁 甘草 枇杷葉

水一碗煎六分食遠服

四杏蘇散 治冬寒時令麻毒難出以此發之



杏仁

紫蘇

五胡荽酒

治麻疹不出以此發之

胡荽四兩切碎先以好酒二盃壺內煎濃方入胡荽在內蓋定

勿煎勿令洩氣以苧麻蘸酒遍身戛之使麻易出真神方也

六人參白虎合黃連解毒湯 治麻疹自汗太過恐防衛弱以此

止之

北參 知母 熟石膏 生甘草 正川連 黃芩

黑梔仁 糯米十撮為引

七麻黃杏仁石膏甘草湯 治嚴寒時令麻六七日應出不出或

風寒閉塞

八涼膈散 治麻毒深重裏氣不通而應出不出

錦紋 白芒硝 淨連翹 黑梔子 南薄荷 淡竹葉

甘草梢 水煎去渣加蜜三匙和煎

九甘桔湯 治麻疹胃火夾肺金嗽面浮應出不出如喘急去桔

梗加杏仁

生甘草 芽桔梗 熟石膏 浮知母 牛蒡子

生薄荷葉五片為引水煎服

十元參地黃湯 治麻疹衄血太過恐防傷陰減升麻加杏仁犀角

潤玄參 懷生地 粉丹皮 黑梔子 綠升麻 杭白芍

生蒲黃 生甘草 茅根七莖為引水煎熟服即絲茅根也

土黃芩湯合白頭翁湯 治麻疹發熱自利血利加犀角

枯黃芩 白芍藥 炙甘草 大紅棗一枚 (白頭翁湯)

秦皮 黃連 黃柏 白頭翁

三黃苓湯加茯苓 治麻疹發熱吐瀉

三黃連解毒合白頭翁湯 治麻疹白痢裏結後重欲作痢也

正雅連 川黃柏 枯黃苓 黑梔子 炙甘草

秦皮 白頭翁

五柑桔湯 治麻疹咽喉疼痛飲食艱難

生甘草 牙桔梗 牛蒡子 燈心十聖為引水煎服

五鼠粘子湯 治證同前稍重用此 去升麻加貝母

鼠粘子 絲升麻 鮮射干 生甘草 燈心為引水煎服

去養血化斑湯 治麻疹色淡心口血不足

官棟參 當歸身 懷生地 淨蟬脫 生姜大棗為引煎服

大青湯 純黑犀角 治麻疹色太紅或微紫或出太甚

鮮大青 潤玄參 熟石膏 淨知母 川木通 地骨皮

荆芥穗 生甘草 淡竹葉十二片為引

大連翹湯 治麻疹既出熱盛不減小便短濇去防風柴胡加

犀角知母貝母

淨連翹 北防風 瞿麥穗 荆芥穗 淮木通 車前子

當歸尾 信前胡 淨蟬蛻 赤芍藥 枯黃芩 白滑石

紫葺 燈心十莖水煎熱服

充黃連解毒湯 治麻疹出後仍發熱煩燥麻出未盡也

川雅連 川黃柏 枯黃芩 淨水煎滾熱服

干黃芩湯加川連犀角 治麻疹熱邪未盡麻未出完而兼吐瀉

枯黃芩 白芍藥 炙甘草 犀角 川連 大棗一枚

主清熱麥冬散 治麻疹收後大熱不退毒未出盡也加犀角

官棟參 信前胡 北沙參 大棟冬 潤玄參

龍膽草 炙甘草 燈心一團為引水煎熱服

主清陰四物湯 治麻疹收後發熱不退毛焦肉削

官棟參 信前胡 枯黃芩 正川芎 懷生地

杭白芍 地骨皮 杭棟冬 淨知母 淡竹葉

桑葉三片為引水煎服

主導赤散 治麻後熱不除而作搐

懷生地 淮木通 麥門冬 生甘草

淡竹葉七片為引水煎 送安神丸

高馬鳴散

治麻後牙齦潰爛臭氣衝人

馬鳴蛻

性即蠶也燒過存

人中白

即尿垢火煨加鹽五錢

五楠子

白明礬

各二錢將礬打成入五楠子內火煨以礬枯為度

共為極細末以米泔水洗口然後敷此

清 辛亥天行麻疫遍地傳染市醫執古方妄治小兒遭其害

者不可勝紀之目擊心傷故攷古今時方二十四首曲盡治疹

範圍非惟不背於古實合於今因時令地利選方以便學者之

隔反

民國貳年歲次癸丑孟春月出版

松齡醫鐸全書七冊 定價大洋叁元八角

書經

編輯者

平陽松齡徐潤之

存案

發行者

瑞安務本石印局

翻印

印刷者

古章安西峴山農

必究

統發行所

温州府前務本局

温州府前務本局

WENZHOU LIBRARY

新黃庭經釋義續出平陽徐松齡先生注先生深於醫術以黃
庭修煉長生之法實與靈素之養生導引互相發明故取而釋
之所謂醫道通乎仙道也後增常清靜經解及外科指南新靈
素鍼灸圖說各一卷定價大洋貳元 務本石印局發行

為圖書局出版

林德醫書全書



温州图书馆

WENZHOU LIBRARY



溫州市圖書館

WENZHOU LIBRARY